

四库全书精品文存

第二十卷

团结出版社

四库全书精品文存

（清）乾隆帝撰



四库全书

精品文存

·20·

挥麈录 纬略 云麓漫抄

团结出版社

目 录

挥麈录	卷三	(79)
提要	卷四	(89)
挥麈前录	卷五	(98)
卷一	卷六	(107)
卷二	卷七	(118)
卷三	卷八	(128)
卷四	卷九	(137)
李贤良简	卷十	(147)
王知府自跋	卷十一	(154)
挥麈后录	挥麈三录	
卷一	卷一	(165)
卷二		

卷二 (177)

卷三 (186)

挥麈余话

卷一 (196)

卷二 (220)

纬略

提要 (247)

卷一 (248)

汉唐诏 喝 少女风 欽乃
蚊民 赋体 食雪 旁午
洗玉池铭 宁馨 遗母鲈 贝经
布帆无恙 五星聚 乾鹊
悼骚愍骚 著 碧芙蓉颂
招隐诗 箕子名 楚辞 湘君
玉带 茂陵中书 黛 脂泽
熊经鸟伸 龟息 筋却敌
鸡鸣度关 猎碣 烧香
千弩俱发 解鸟语 解六畜语
陆羽水晶 刘伯刍水晶

卷二 (265)

五神车 周玉律 鱼先至
三素云 代将 老将 使酒
月窟 琴心三叠 真真 五图

截肪蒸栗 白瑶宫 文君谏
嚏占 习旧事 故事之始 咨政
给札 文章不起草 重席 卤簿
天公笺 八风 避风 风经
云贯斗 汉唐人物 御撰晋书
白麋 棋

卷三 (280)

凤毛 门多好事 麈尾
秦医越医 春秋时论养生 杂卜
对策射策 唐科 盐梅盐政
商宝玉 玉马 二十四图 龟
龟历 天里 日月星 地里
天部 风流 子云千赋
古人仪度 古人文章 水精盐
野鹤

卷四 (291)

细毡 青毡 氍毹毹毹
李尤床铭 毛布 火浣布 白叠
五时食 食橄 弈 击壤 扑
安哉 醵夷 酒台 古铛 下榻
打虱图 澡盘 剔齿纤
庵摩勒油 蜀石 东藩 甘脆
筵雨 舐痔 糝 鸟御火 茶
番虎矜茶 谚 鉴古物 诗卜筮
书卜筮 春秋卜筮 汉官 压角

卷五 (306)

黄银 玉刚卯 金铺 嗅金

瑟瑟 藻井 雁塔 璜
避邪研匣 养和 太玄经 书讹
易文言 十五国风一
十五国风二 啸 载事物之法
二 玉洼 佛钵 紫团参 蟹断
赋句相埒 芍药 三焦 位绝席
讳 带甲百万

卷六 (320)

和香方 窃香 香物 好香
奔月 石流丹 龙门 八蚕
蚕理 辋川图 万年觞 方响
赐古物 琛版 累代文集
累代列传 诸子各习一艺 青陆
冰鱼 怀果 坤王兑柑
鱼负冰 冬至 豹尾 河冰合
日观 术序 花信麦信 汉九州
女史 天子日送之 濯纓
太史公诗论 蔡子池石观
太牢 丙冗 襍襍 烛龙
蓬莱 探策十八
舜祠弦歌声 辛菜

卷七 (337)

流黄素 罽画 茗一车 雪茶
羊裘 素丞相 致拳拳 种瓜
裘六为七 易圣 卖文 历日
离骚传 八百碑 三本书
四愁诗 古学 研眼 误笔成画
卧雪图 三十六玉皇

泰阶六符经 磻磳 纳音
冰丸霜散 盐生 沈香山火
三雉 小雨由山 沃焦 杳潮
入阁 数行俱下 通五经
论石渠 待诏金马门 酒法
猊 雁子 狒狒赞 珧 三严
相经 茶炉笔床 香井

卷八 (355)

通尔雅 水事 孔砚 笏
熬波出素 春秋列国文章
文笔迟速 太玄法言 幼文言
葛洪论史记 玉蟾蜍 兰赋
炼石补天 屏风隔坐 十种琉璃
碧 木难 水仙赋 画二疏
顺下风 不喜俗人 削藁 罚酒
楷书 孔子因史作春秋 瑀璧
云梦 玄图 太素 天圆地方
天九野 天宇 浑天记
汉浑仪土圭 月节 天鸡 云占
天賦 裁成风雨 相雨 云扶日
阳关三叠 乐石

卷九 (372)

刘孝标世说 太乙青藜 四彪
顾恺之作父传 艾纳 护门草
鰲鱼 郭有道碑 禹鼎 第七车
人面子 紫玉 耶悉茗油
古泉货 醴 律室
春碑三句一韵 漏刻铭

汉复道 上雍 凌烟阁赞
唐乐曲 竹筒 八磨
脑能柔物 陈琳赋 锁香
大小山犹二雅 北酥
承露盘铭

卷十 (388)

孝碑 守庚申 凤尾诺 冰蚕
青云干吕 娘子兵 比干墓铭
水磨 辟寒香 史叙事 饅饼
滕王蛱蝶图 七入书府 尔雅
滕六降雪 答客难 红鞋鞞
乾坤一弹丸 水精如意
北风图 芸台 徐陵谢饌启
金仙氏 昭华玉 车渠碗 流苏
若下水 神气 东坡论文选
属车 龟础 白字本草 寒具
古砚 瘞鹤铭 范蠡游五湖图
列女图 养生 宅经 碧落碑
分风送船 贺雪 五夜 圆觉
青砚 翠粲 卷什

卷十一 (406)

储胥 豕苓 月祗月赋 鲑酱
五色雁赤雁 东南一尉 锦瑟
新旧火 金像铭 灵芝官
泰节二卦 文火 松烟石墨
三代鼎器名 房中乐 珊瑚笔格
荀况云赋 虹 诗用六经字
辟雍 灵台 八桂 黄庭图

成公绥叙乾文 漂 新宫铭
穷奇 承明庐 方诸 潮系日月
封禅 洛水无冰 八紘八极
接花 盐田 泼生面

卷十二 (424)

读碑 习外国事 三韩纸
古器 桂蠹 牛膝酒
柳书阴符经 龟鼎 昆仑丘赞
砥柱铭 秋兰 巫咸山赋
褙牙 卫夫人 润笔 三十六鳞
阴璞 青女 艾 太史图法
研岩 击鲜 欧宋唐书 通鉴
孝水 九藪 金错刀 汉甘露鼎
如意轮画赞 金刚石经赞(原缺)
汉令甲(原缺)

云麓漫抄

提要 (439)

原序 (441)

卷一 (442)

卷二 (452)

卷三 (463)

卷四 (474)

卷五	(485)	辩易九六论 易辞 左传筮卦
卷六	(496)	
卷七	(508)	
卷八	(518)	
卷九	(527)	
卷十	(535)	
卷十一	(546)	
卷十二	(559)	
卷十三	(568)	支吉神 支凶神 干吉神 干凶神 五行
卷十四	(576)	
卷十五	(587)	

挥麈录

[宋]王明清 撰
张印栋 整理

提 要

《挥麈前录》四卷，《后录》十一卷，《三录》三卷，《余话》二卷，并〔宋〕王明清撰。明清，字仲言，汝阴人。庆元中寓居嘉兴。《书录解题》称其官曰朝请大夫，《宋诗纪事》则曰泰州倅，未详孰是也。是编皆其札记之文。《前录》为乾道丙戌奉亲会稽时所纪，多国史中未见事。《后录》为绍熙甲寅武林官舍中所纪。《三录》为庆元初年请外时所纪，于高宗东狩事独详。《余话》兼及诗文碑铭，补前三录所未备。晁公武《读书志》云“总三十三卷”，今止二十卷。《文献通考》云“《前录》三卷”，今四卷。《后录》自跋云“厘为六卷”，今多五卷。盖久经后人分并，故卷帙不齐如此。明清为王铨之子、曾纡之外孙。纡为曾布第十子，故是录于布多溢美。其记王安石歿，有神人幢盖来迎；而于米芾极其丑诋，尤不免轩輊之词。赵彦卫《云麓漫抄》尝议其载张耆宴侍从诸臣事为不近事理，王士禛《古夫于亭杂录》亦议其载岁祀黄巢墓事为不经之谈。然明清为中原旧族，多识旧闻，要其所载，较委巷流传之小说，终有依据也。

挥麈前录·卷一

唐《明皇宝录》云：“开元十七年秋八月，上降诞之日，大置酒合乐，燕百僚于华萼楼下。尚书左丞相源乾曜、右丞相张说率百官上表，愿以八月五日为千秋节，著之甲令，布于天下，咸使燕乐，休假三日。诏从之。”诞日建节，盖肇于此。天宝七载八月己亥，诏改为天长节。其后肃宗以九月三日生，为地平天成节，史不书日。文宗以十月十日生，为庆成节。武宗六月十二日生，为庆阳节。僖宗八月五日生，为应天节。昭宗二月二十二日生，为嘉会节。哀帝十月三日生，为延和节。梁太祖十月二十一日生，为大明节。末帝九月十二日生，为明圣节。唐明宗九月九日生，为应圣节。晋高祖二月二十八日生，为天和节。出帝六月二十七日生，为启圣节。后汉高祖二月四日生，为圣寿节。隐帝三月七日生，为嘉庆节。周太祖七月二十八日生，为永寿节。世宗九月二十四日生，为天清节。恭帝八月四日生，为天寿节。本朝太祖二月十六日生，为长春节。太宗十月七日生，为乾明节，后改为寿宁节。真宗十二月二日生，为承天节。仁宗四月十四日生，为乾元节。英宗正月三日生，为寿圣节。神宗四月十日生，为同天节。哲宗十二月七日生，避僖祖忌辰，以次日为兴龙节。徽宗十月十日生，为天宁节。钦宗四月十三日生，为乾龙节。太上皇五月二十一日生，为天申节。今上皇帝十月二十二日生，为会庆节。而章献明肃皇后正月八日生，为长宁节。宣仁圣烈皇后七月十六日生，为坤成节，以尝临朝故耳。五代诸君节名，不见于正史，以郑向《开皇记》考得之。唐代宗十月十三日天兴节，见令狐绹文集中。唐顺宗圣寿节，见于齐抗《会稽舍宅为寺碑》。

后唐清泰帝正月二十三日千春节，见于《五代史·晋家人传》。近董令升作《诞生录》，惜乎未尽也。

祖宗神御像，设在南京则鸿庆宫，西京则奉先寺之兴先。会圣宫之降真殿，扬州曰彰武，滁州曰端命，河东曰统平，凤翔曰上清太平宫。及真宗亲征北郊，封泰山，祀汾阴，则有澶渊之信武，嵩山崇福之保祥，华阴云台之集真。乾德六年，即都城之南，安陵之旧域，建奉先资福院，为庆基节。宣祖、艺祖则太平兴国之开先。太宗则启圣之永隆。至大中祥符中，建景灵宫天兴殿，以奉圣祖。其后真宗之奉真，仁宗之孝严，英宗之英德，皆在其侧也。又有慈孝之崇真，万寿之延圣，崇先之永崇，以奉真宗母后。章献明肃在崇真之旁曰章德。章懿在奉先之后，曰广孝。章惠在延圣之后，曰广爱。在普安者二：元德曰隆福，明德、章穆曰重徽。元丰中，神宗以献飨先后失序，地偏且远，有旷世不及亲祠者，乃诏有司：神御之在京者，寓于佛祠，皆废彻而迁之禁中，繇英德而上，五世合为一宫，凡十一殿，以世次别东西序。帝殿一门，列戟七十二。殿之西庑，绘画容卫，公王名将，罗立左右。内有燕寝温清之室，玩好毕陈。而母后居其北。改庆基曰天元，后曰太始。开先曰皇武，后曰伋极。永极曰定大，后曰辉德。奉真曰熙文，后曰衍庆。孝严曰美成，后曰继仁。英德曰治隆。其便殿十一：曰来宁，曰燕娛，曰灵游，曰凝神，曰天游，曰冷风，曰太灵，曰丹台，曰灵昆，曰昭清。以五年十一月奉安帝后，塑像于新宫，大赦天下。绘像侍臣于后。元佑初，即治隆之后宣光殿以奉神宗。绍圣初，辟宫之东隅为显承殿，以宣光殿故址为徽音殿，以奉宣仁圣烈。建中靖国元年，诏以显承介于一偏，庙号未称，于是度驰道之西，东直大定，南北广袤地势，并撤省寺，创为西宫，建大明宫以奉神宗，为馆御之首。涓日迁奉亲祠，永为不祧之庙，以示推崇之意。曲赦四畿，录功臣后，如元丰故事云。

西京应天寺，本后唐夹马营，大中祥符二年，以太祖诞圣之地，建寺锡名。东京启圣院，本晋护圣营，以太宗诞圣之地，太平兴国六年建寺。雍熙二年，寺成，赐名。二寺皆奉祖宗神御。英宗以齐州防御使入继大统，治平二年建齐州为兴德军。熙宁八年八月，诏潜邸为佛寺，以本镇封赐名兴德禅院，仍给淤田三十顷。

开基节建名，世多无知者。建炎初，尝诏：“如后来所立元圣、真元节名之类，除开基节外，悉皆罢去。”始知为未久。因考建中以后诏旨，政和二年，南京鸿庆宫道士孟若蒙进状言：“本宫每遇正月初四日为创业之日，修设斋醮，乞置节名，以永崇奉。”诏从其请。近见曾仲躬云：“若蒙亦能诗文。清作南京少尹日，尝与之游。乱后复会于三衢。绍兴间，若蒙又以前绩自陈。时秦会之当轴，令敕住临安府天庆观，非其所欲，拂衣而归，老于衢云。”仰惟太上皇帝中兴再造，复在南都，符命岂偶然哉。

太祖皇帝朝，尝诏修先代帝王祠庙，每庙须及一百五十间以上，委逐州长吏躬亲点检，索图赴阙，遣使覆检。令太常礼院重定配享功臣，检讨仪相，画样给付。女娲祠在晋州，书传无功臣可配。太昊以金提、勾芒配，祠在陈州。炎帝以祝融配，祠在衡州。黄帝以后土、风后、力牧配，祠在坊州。高阳以玄冥配，祠在潭州。高辛以稷配，在宋州。唐尧以司徒禹配，祠在郢州。虞舜以咎繇配，祠在道州。夏禹以伯益配，祠在越州。商帝成汤以伊尹配，祠在河中府。中宗太戊以伊陟、臣扈配，祠在大名府。高宗帝武丁以甘盘、傅说配，祠在陈州。周文王以师鬻熊配，武王以召公配，成王以周公旦、唐叔、虞叔配，康王以太公、毕公配，秦始皇帝以李斯、蒙恬、王翦配，汉高帝以萧何配，文帝以周勃、陈平、刘章、宋昌配，景帝以周亚夫、窦婴、申屠嘉、晁错配，武帝以公孙弘、卫青、霍去病、金日磾、霍光配，宣帝以

丙吉、魏相、霍光、张安世配，以上十帝并祠在长安。后汉世祖以邓禹、吴汉、耿弇、贾复配，明帝以东平王苍、桓荣配，章帝以牟融、赵意、宋安配，以上三庙并在河南府。魏武帝以钟繇、荀攸、程昱配，庙在相州。文帝以贾诩、王朗、曹真、辛毗配，晋武帝以羊祜、张华、王浚、杜预配，二庙在河南府。后魏孝文帝以王祥、王肃、长孙晟配，后周文帝以宇文宪、苏绰、燕公于谨、卢辩配，二庙在耀州。隋高祖以牛弘、高预、贺若弼配，庙在凤翔府。唐高祖以河间王孝恭、殷开山、刘政会、淮南王神通配，庙在耀州。太宗以长孙无忌、房玄龄、杜如晦、魏征、李靖配，庙在京兆府。明皇以张说、郭元振、王琚配，庙在河中府。肃宗以苗晋卿、裴冕配，庙在京兆宗。宪宗以裴度、杜佑、李愬配，庙在同州。宣宗以夏侯孜、白敏中、马植配，庙在耀州。朱梁太祖以刘邰、敬翔、葛从周、袁象先配，后唐庄宗以郭崇韬、李嗣昭、符存审配，明宗以霍彦威、安重进、任圜配，石晋高祖以桑维翰、赵莹配，以上并在河南府。皆著之仪制。是时吴、蜀未平，六朝帝庙阙而不载。本朝曹武惠配享太祖，武穆配享仁宗；韩忠献配享英宗，文定配享徽宗。父子配享，自昔所无也。

明清侧闻绍兴初，刘大中以监察御史宣谕诸路回，宰臣以其称职，拟除殿中侍御史，太上皇帝云：“且令除秘书少监”。宰臣启其所以，太上曰：“大中所至多兴狱，尚有未决者。一除言路，外方观望，恐累及无辜。”德寿之号，称哉。后因阅《会要》，恭睹宏休，恐中秘之书，臣下莫得而悉窥，今载其略。绍兴三年四月十六日，知藤州侯彭老言：“本州卖盐宽剩钱一万贯文省，买到金一百六十两，银一千八百两投进。”诏：“纵有宽剩，自合归之有司，非守臣所当进纳。或恐乱有刻剥，取媚朝廷，侯彭老可特降一官，放罢，以惩妄作。所进物退还。”绍兴十三年四月一日，宰执进呈前广南东路转运判官范正国言：“本路上供及州郡经费，全仰盐息应办。比因全行客钞，遂或缺乏，欲自今本路

州郡凡属屯驻兵马去处，许依客人买钞请盐，各就本州出卖，所得息钱，专充军费。”上曰：“法必有弊然后改。未见其弊，遽先改，非徒无益，必致为害。凡法皆然，不独盐也。”又建炎元年十月十二日，宰执诣御舟御榻前奏事讫，上曰：“昨日有内侍自京师贡到内府真珠等物一二囊，朕投之汴水矣。”黄潜善曰：“可惜。有之不必弃，无之不必求。”上曰：“太古之世，撝玉毁珠，小盗不起。朕甚慕之，庶几求所以息盗尔。”四年三月七日，宰执进呈宣抚处置使奏：“大食国进奉珠玉宝贝等物，已至熙州。”上曰：“大观、宣和间，茶马司川茶不以博马，唯市珠玉，故马政废缺，武备不修，遂致外敌内侵，危弱之甚。今若复捐数十万缗，贸易无用珠玉，曷若爱惜其财，以养战士？不若以礼赠而谢遣之。”乃降旨宣司，并不得受，令量度支赐，以答远人之意。绍兴元年三月二十二日，荆湖南路马步军副总管孔彦舟言：“于潭州州城莲池内收得玉一片，堪篆刻御宝，乞差人宣取。”诏：“御宝已足备，兼自艰难以来，华靡之物，一无所用。令彦舟不须投进。”此与夫却千里马，还于阗玉，适相符合，诚帝王之盛德也。

《李和文遗事》云：“仁宗尝服美玉带，侍臣皆注目。上还宫，谓内侍曰：‘侍臣目带不已，何耶？’对曰：‘未尝见此奇异者。’上曰：‘当以遗敌主。’左右皆曰：‘此天下至宝，赐外裔，可惜。’上曰：‘中国以人安为宝，此何足惜。’臣下皆呼万岁。”

《和文遗事》又云：其家书画最富。有吴道子“天王”，胡瑰“下程图”，唐净心“须菩提”，黄居寀“竹鹤”，孙知微“虎”，韩干“早行图”、“梅鹤”，傅古“龙”，江南画“佛”，唐希雅“竹”，李成“山水”，唐画“公子出猎图”，黄居寀“雕狐图”，黄筌“雨中牡丹”，李思训“设色山水”，周昉“按舞”、“折枝杏花”，徐崇嗣“没骨芍药”，江南“草虫”、“独幅山水”，黄筌“金盆鸛鸽”、“大窠山茶”。书有怀仁真迹，集右军《圣教序》，

贞观《兰亭诗序》，右军《山阴帖》、《乐毅论》，颜鲁公书《刘太冲序》，皆冠世之宝。

熙宁八年四月，岐王颢、嘉王颢言：“蒙遣中使赐臣方团玉带各一条，准阁门告报，著为朝仪。臣等乞宝藏于家，不敢服用。”上命工琢玉带以赐二王，二王固辞，不听。请加佩金鱼以别嫌，诏并以玉鱼赐之。玉带为朝仪，始于此。

北齐显祖高祥、晋阳公李元忠、南齐竟陵王萧子良、隋长孙览，俱谥文宣，孔子盖出四谥之后。大中祥符元年，始加“玄圣”二字，后避圣祖讳，易为“至圣”。熙宁中，欲加谥“至神元圣帝”，礼官李邦直以谓夫子周臣也，周室诸君止称王，执以为不可。卒从其议。

元魏献文欲置学官于郡国，高允表请制大郡立博士二人，助教四人，学生一百人。次郡立博士二人，助教二人，学生八十人。中郡立博士一人，助教二人，学生六十人。下郡立博士一人，助教一人，学生四十人。其博士取博关经典，履行忠清，堪为人师者，年限四十以上。助教亦与博士同，年限三十以上。若道业夙成，才任教授，不拘年齿。学生取郡中清望，人行修谨，堪束循名教者，先尽高门，次及中等。帝从之。郡国立学，自此始。事载《允传》。本朝高承纂《事物纪原》，自谓博极，而不取此，何耶？

唐高宗改门下省为东台，中书省为西台，尚书省为文昌台，故御史台呼为南台。赵璘《因话录》云：“璘又云：‘武后朝，御史有左右肃政之号，当时亦谓之左台、右台。则宪台未曾有东台、西台之称。’”明清尝记张鷟《朝野僉载》对天后为戏语云：“左台胡御史，右台御史胡。”是也。本朝李建中为分司西京留司御史，世以西台目之。李栖筠为御史大夫，不乐者呼为“栖台”，盖斥其名也。

明清五世祖拾遗，开宝八年，以近臣荐，自布衣召对，讲易

于崇政殿，然后命官。崇政殿说书之名，肇建于此。行事具载《三朝国史》。

太祖皇帝以归德军节度使创业，升宋州为归德府，后为应天府。太宗以晋王即位，升并州为太原府。真宗以寿王建储，升寿州为寿春府。仁宗以升王建储，升建业为江宁府。英宗以齐州防御使入继，以齐州为兴德将军。神宗自颖王升储，以汝阴为顺昌府。哲宗自延安郡王升储，升延州为延安府。徽宗以端王即位，升端州为肇庆府，钦宗自定王建储，前已升中山府。太上以康王中兴，升康州为德庆府。今上以建王建储，升建安为建宁府。宣和元年六月，邢州民董世多进状，以英宗尝为钜鹿郡公；又知岳州孙勰进言：英宗尝为岳州防御使。诏加讨论，时邢州已升安国军，遂以邢州为信德府；岳州为岳阳军。是岁十月，又诏以列圣潜邸所领地，再加讨论，以真宗尝为襄王，升襄州为襄阳府。仁宗尝为庆国公，以庆州为庆阳府。英宗尝为宜州刺史，以宜州为庆远军。神宗尝为安州观察使，以安州为德安府；又尝为光国公，以光州为光山军。哲宗尝为东平军节度使，以郢州为东平府；尝为均国公，以均州为武当军。徽宗尝为宁国公，以宁州为兴宁军；其后又以徽宗尝为平江、镇江军节度使，并升为府。又以太宗昔尝为睦州防御使，升睦州为遂昌军。今上皇帝即位之初，升隆兴、宁国、常德、崇庆诸府。皆以潜藩拥戢之地也。

英宗在濮邸，与燕王宫族人世雄厚善。两家各生子，同年月日时。是生神宗，而世雄之子令铄也。神宗后即帝位；令铄进士及第，为本朝宗室登科第一。

国朝承五代抢攘之后，三馆有书仅万二千卷。乾德以后，平诸国，所得浸广。太宗乡儒学，下诏搜访民间，以开元四部为目，馆中所缺及三百已上卷者，与一子出身。端拱元年，分三馆之书，别为书库，目曰秘阁。真宗咸平三年，诏中外臣庶家，有收得三馆所少书籍，每纳一卷给千钱。送判馆看详，委是所少书